



Ang Banagbanag

Ang Mantalaan sa Presensya ni Kristo

The Dawn in the Cebuano dialect

Si Pablo Sa Atubangan Ni Haring Agrippa

Yabeng Bersikulo:
“Apan si Pablo
mitubag kaniya, Wala
ako magsalimoang,
labing halangdong
Festo, hinonaa
nagasulti ako sa
tinuod ug mabuot nga
pagpahayag.”
—Buhat 26:25

Piniling Sulat:
Buhat 26:19-32

ANG LEKSYON KARON
NAGSUGOD sa Cesario diin si Pablo napreso ug duha ka tuig. Ang mga lider sa mga Hudeyo gusto nga mamatay si Pablo tungod sa iyang gipangtudlo human siya namahimong sumusunod ni Kristo. Sa dihang si Pablo gitugotan nga motestigo sa atubangan ni Agrippa, ang Romanong gobernador sa mao nga lugar, iyang gipahayag ang iyang pagpasalamat sa pagtugot kaniya nga makapanalipod sa iyang kaugalingon sa usa ka tawo nga nakasinati sa kinaiya ug kustumbre sa mga Hudeyo. (Buhat 26:3) Human niya masaysay nga sa kanunay siya matinud anon sa relihiyon sa

Hudeyo gikan sa iyang pagkabatan-on, gipatigbabaw niya ang rason ngano nga siya giakusahan. “Ug karon ania ako nagabarug dinhi nga ginahukman tungod sa akong paglaum sa saad nga gihimo sa Dios ngadto sa atong mga ginikanan, nga ang paghidangat sa maong saad maoy ginalauman sa atong napulog-duha ka mga kabanayan samtang managsimba sila sa mainiton gayud sa magabii ug maadlaw. Ug tungod niining paglauma, O hari, gisumbong ako sa mga Judio. Nganong inyo mang ginadahum nga dili katoohan nga ang Dios magabanhaw sa mga patay?”—bersos 6-8

Sa padayon niya nga pag asoy mahitungod sa iyang kinabuhi saw ala pa siya mabalhin, gipahayag ni Pablo ang iyang way hunong nga kampanya batok niadtong misunod sa kristohanong pagtoo. Hinonaa, sa dihang mipadulong siya ngadto sa Damascus para pagdakop sa mga

Kristyanos ug ibalik sila sa Israel para silotan, gipasabot ni Pablo nga adunay panghitabo nga nakapabalhin kaniya. Gibutahan siya sa tungatunga sa adlaw pinaagi sa silaw sa kahayag nga nagagikan sa itaas, ug nadungog niya ang tingog nga nangutana, “Saulo, Saulo, nganong ginalutos mo ako?”—bersos 9-14

Dayon, gisumada ni Pablo ang iyang nadawat human niya madungog ang tingog sa nabanhaw nga Ginoo. Naglakip kini sa katinood nga iyang pagtestigo ug pagsaksi sa iyang nakita. Dugang pa, labina nga magasangyaw sa mga gentil mahitungod sa mga paagi para makangkon sila sa kapasayloan sa ilang mga sala. Isip usa ka gentil, human madungog apan wala maksabot niining mga butanga, giakusahan ni Festus si Pablo nga nagsalimoang tungod sa iyang daghang nahibawan.—bersos 15-24

Sa atong yabeng bersikulo, gisultihan ni Pablo si Festus nga wala siya magsalimoang, kondili nagpahayag lamang sa kamatooran mahitungod sa plano sa Diyos para sa kaluwasan. Mihangyo si Pablo kang Haring Agrippa pinaagi sa pagpangutana kung mitoo ba siya sa mga propetang testimonya mahitungod kang Kristo nga mao ang gisaad nga Mesiya. Ug wala na hulata ni Pablong makatubag si Haring Agrippa, si Pablo miingon, “Nahibalo ako nga nagatoo ikaw.”—berso 27

Ang pagkamatinud-aon ni Pablo sa pagpahayag sa kahinungdanon sa kamatayon ug pagkabanhaw ni Kristo, bisan niadtong dili makadawat sa kamatooran, usa ka gamhanang ehemplo nga angay pagasundon sa tanang konsagradong sumusunod sa Magtutudlo. Ang bugtong sulbad sa kalisod ug makalibog nga kondisyon sa kalibutan mao ang katukoran sa gharian sa Diyos sa dili na madugay. Mao kini ang panahon nga gisaad sa kasulatan nga maghinabo, “Ug uyogon ko ang tanang mga nasud; ug ang mga bilihong butang sa tanang mga nasud moabut; ug kining balaya pun-on ko sa himaya, nagaingon si Jehova sa mga panon.”—Hag. 2:7

Si Pablo Mibyahe Padulong Sa Roma

Yabeng Bersikulo: “Apan ang kapitan, sa iyang tinguha sa pagluwas kang Pablo, midili kanila sa paghimo sa ilang gilaraw. Ug iyang gisugo ang mga makamaong molangoy sa paglukso pag-una ngadto sa dagat ug pagtakas sa mamala, ug ang mga mahibilin, sa pagsunod nga magagabayg mga tabla o sa mga guba gikan sa sakayan. Ug nahitabo nga sa ingon niini ang tanan nakalingkawas ngadto sa mamala.”

—Buhat 27:43,44

***Piniling Sulat:
Buhat 27:1,2,33-44***

PAGKAHUMAN SA GIHIMO NGA BISTA atubangan kang Agrippa, si Pablo gipailawom sa pagbantay sa opisyal nga gihinganlan ug Julius. Uban sa lain pang mga preso, nagsugod siya sa iyang byahe paingon sa Roma, nga diin nakahatag kaniya ug higayon nga makasangyaw sa Ebanghelyo ni Hesukristo. Sa unang adlaw sa ilang pagbyahe hapsay ug walay nahitabo ug si Pablo gitugtan sa pagbisita sa kaigsoonan sa pantalan sa Sidon. Human sila makabiya sa Sidon, giusab sa Kapitan ang ilang padulngan tungod sa dagan sa hangin nga gakontra kanila. Ug sa Myra, ang mga priso nga dalhon sa Roma gibalhin sa mas dako nga barko gikan sa Alexandria padulong sa Italya. Sa daghanang mga adlaw hinay ang ilang dagan tungod sa makusog nga hangin ug sa nagsingabot nga tingtugnaw. Si Pablo nagpahimangno sa mga tripulante nga mohunong una sa usa ka lugar nga gitawag ug “Maayong

Dungguanan” hangtud nga ang panahon mag maayo na, kondili maguba ang ilang gisakyan ug ang kinabuhi sa mga sakay niini mameligro. Bisan

paman adunay dakong kasinatian sa mga sangad (II Corinto 11:25), ang iyang pahimangno gibalewala ug nagdesisyon nga magpadayon ngadto sa dako nga pantalan sa Siyudad sa Nice ug didto magpalabay sa tingtugnaw.—Buhat 27:3-12

Sa wala madugay gikan sa pagbiya nila sa “Maayong Dungguan” adunay kusog nga bagyo nga adunay dalang makusog nga hangin nga diin wala na makaya sa mga tripulante ang pagtimon. Nahadlok sila nga ang barko mabungkag. Ang mga tawong sakay nahadlok sa ilang kinabuhi tungod sa pagpadayon sa bagyo sa daghan pang mga adlaw. Si Pablo, hinoon, nagpasalig nga walay kinabuhi nga makalas kanila nga sakay sa barko apan ang barko mismo ang dili makasugakod ug maguba.—bersos 14-26

Human sa pipila ka adlaw, namatngonan sa mga tripulante nga naanod sila padulong sa mamala ug para malikayan ang pagsagyad sa barko, ilang gihulog ang mga angkla sa dagat. Ang uban nila nagplano nga makaadto na sa baybayon pinaagi sa gamay’ng barko apan gipahibalo ni Pablo ang Kapitan ug nagmando nga kundili sila magpabilin sa barko ang uban dili maluwas. Gimanduan sa Kapitan ang mga sundalo sa pagputol sa pisi nga nghigot sa gamay nga barko para dili kini nila mapauubos sa tubig ug ang tanan napugos nga magpabilin sa barko. Wala madugay sa kaadlawon, gidasig ni Pablo ang tanan sa pagkaon para sila adunay kusog. Nagpasalamat siya sa Ginoo pinaagi sa pagpanalangin ug ang duha ka gatos ug kapituan ug unom ka tawo nga sakay sa barko mikaon ug nadasig. Ug sa katapusan ang barko misangyad ra gayod ug nabungkag.—bersos 27-41

Ug mao dayon nga nagmando ang Kapitan nga ang tanan mobiya na sa barko ubos sa pagmando ni Pablo. Gipahayag sa ang atong yabeng bersikulo nga ang tanan nakalingkawas ug nakaabot sa yuta nga luwas pinaagi sa paglangoy o pag gabay sa mga kahoy gikan sa barkong naguba.

Ang storya niini nga leksyon makahatag unta ug kahupayan sa mga tinood ug mahinalaron nga mga Kristyanos nga nagtugyan sa ilang kaugalingon sa kagustuhan sa Diyos sa ilang kinabuhi, sama sa nahitabo kang Pablo. Ato unta nga matagamtaman ang presensya sa langitnong Amahan nga maoy maghatag kanato pagpadayon bisan pa sa tanang

pagsulay ug kalisud sa kinabuhi., bisan unsa paman kini, “Pagabantayan mo siya diha sa pakigdait nga hingpit, kansang hunahuna sa kanunay anaa kanimo; tungod kay siya nagasalig kanimo.”—Isaias 26:3

Si Pablo Nagsilbi Sa Malta

Yabeng Bersikulo:
“Ug nahitabo nga ang
amahan ni Publio
naghigda nga
nagmasakit sa hilanat
ug kalibag dugo. Ug si
Pablo miadto kaniya
ug nag-ampo, ug
mitapion sa iyang
kamot diha kaniya, ug
iyang giayo siya.”
—Buhat 28:8

Piniling Sulat:
Buhat 28:1-10

PAGKAHUMAN SA ILANG PANGSANGAD (tan-awa ang leksyon sa Nobyembre 11), ang tanang tripulante ug pasahero, lakip na si Pablo naka abot sa mamala sa isla sa Malta.. “Ug sa nakalingkawas na sila, mao pay ilang pagkahibalo nga ang pulo ginganlan ug Malta ug ang mga nanagpuyo didto nagpakita kanila ug talagsaong pagkamaloloy-on, kay sila nanagdaub, ug ilang giabiabi silang tanan, tungod kay nagsugod na man pag-ulan ug matugnaw ang panahon.”—Buhat 28:1,2

Ang mga lumulupyo sa maong lugar gitawag ug mga luog tungod kay dili sila makasulti ug griyego, kon dili pinisiano. Sa katingalahang hitabo, sila ma abiabihon sa ilang mga bisitang basa sa

dagat imbes ila kining atakehon ug patyon. Si Pablo aktibo kaayo nga mitabang paghatg sa kinahanglanon sa tanan. Nanguha siya ug kahoy para isugnod aron ang tibook niyang mga kauban mainitan ug mamala human sa ilang gidangatan. Nahikurat ang mga lumulupyo didto nga mikumbitay ang bitin sa kamot ni Pablo. Nagtoo sila sa una nga si Pablo usa ka mamatay tawo, diin nakalingkawas sa katalagman sa dagat mahatagan na ug hustisya ug mamatay sa lala sa bitin. Sa dihang giwakli ni Pablo ang bitin ug walay nahitabo kaniya, sila nagtoo nga si Pablo usa ka ginoo.—bersos 3-6

Adunay usa ka tawo nga gihinganlan ug Publio nga mao ang hepe sa pulo sa Malta. Nakangkon siya ug dako nga kayutaan sa maong lugar ug iyang gihatagan ug maayong pagtagad ang mga bisita sa tulo ka adlaw.

(berso 7) Ang atong yabeng bersikulo nagpahayag nga ang kaayo ni Publio wala makawang. Pagkahibalo ni Pablo nga ang amahan ni Publio nagmasakit, iya kining gibisita, giampoan ug giayo kini.

Ug sa dihang mikaylap ang balita mahitungod sa milagro, ang mga masakiton miadto kaniya ug tanan sila nanga ayo. Ang katawhan sa Malta nagpakita sa ilang kalipay ug pasalamat kang Pablo ingon man kang Lucas, nga maoy nagkuyog kaniya pinaagi sa paghatag kanila ug mga gasa nga sarang nilang magamit sa ilang pagbiyahe padulong sa Roma.—bersos 9,10

Makapaikag nga walay nahitala mahitungod sa pagtudlo ni Pablo sa langitnong gingharian ngadto sa iyang mga kaubang sakay uban kaniya sa barko o sa mga lumulupyong ba kaha sa Malta. Kini nagpahinumdom kanato nga niadtong panahon sa iyang kalibutanong pagsangyaw, ang Ginoo nagtudlo nga dili tanan nga makaangkon ug kaluwasan mahiuban sa langitnong gingharian o panon. (Juan 10:16) Adunay laing mga karnero nga mapanalanginan sa panahon unya paghiuli.—Buhat 3:21-23

Isip tomostoo ug sumusunod sa Ginoo, wala kanato ang pribilihiyo karon sa pagpang ayo sa mga masakiton sama sa gibuhay sa atong Magtutudlo ug Ni Pablo sa pagsugod sa panahon sa ebanghelyo. Ato hinoong panalanginan kadtong atong mahimamat pinaagi sa pagtudlo kanila sa maanindot nga gingharian nga maoy mutapos sa mga kagool, sakit, sala ug kamatayon nga nagpasakit sa katawhan.—Galacia 6:10; Salmo 30:5

Si Pablo Nagsangyaw Sa Roma

Yabeng Bersikulo:
“Busa hibaloí ninyo
nga kining maong
kaluwasan gikan sa
Dios gikapadala na
ngadto sa mga Gentil;
ug sila
magapatalinghug
niini.”

—Buhat 28:28

Piniling Sulat:
Buhat 28:23-31

SA KATAPUSAN NAHIDANGAT SI PABLO sa iyang destinasyon nga mao ang Roma, diin siya gitugotan nga magpuyo sa usa ka pribadong balay. Hinoon, isip usa ka binilanggo, padayon nga gibantayan ang iyang mga kalihukan sa usa ka Romanong sundalo. Pinasubay sa iyang naandang pagsangyaw mahitungod kang Kristo, gidapit ni Pablo ang mga inilang Hudeyo nga mobisita kaniya para iyang mabatbat ang mga panghitabo kon ngano nga nahiabot siya sa Roma.—Buhat 28:17-19

Bisan ang mga namunong Hudeyo nagsulti nga wala silay nahibal-an maitungod kang Pablo, gusto sila makadungog kabahin sa iyang kristohanong pagtoo nga nadungog sa kadaghanan. Lain pang okasyon, daghang Hudeyo ang mibista kang Pablo, ug iyag gigamit ang higayon sa pagsulti kanila ang mahitungod sa gingharian sa Diyos. Gisulayan niya sila pagdani sa pagtoo nga si Hesus mao ang gisaad nga Mesiyas, uban sa pagkutlo kang Moses ug mga propeta. Ang uban sa mga nakadungog ni Pablo mitoo nga si Hesus mao ang anak sa Diyos ang uban usab wala motoo.—besros 20-24

Bisan paman sa gitudlo ni Pablo ug sa iyang pagkasubo nga ang mga Hudeyo sa kinatibuk-an gibalewala ang iyang mensahe, sa atong yabeng bersikulo, gipahibalo ni Pablo nga siya iyang dalhon ang maayong balita ngadto sa mga gentils, ug nagpakita ug kaseguroan nga kini ilang dawaton. Sa tanang higayon sa iyang duha ka tuig nga pinereso sulod sa balay mabungahon tungod kay daghan siyang mga bisita ug nakahatag kini nya ug higayon nga mapasabot niya kanila ang pulong sa Diyos.

Sa tanan niini, makakuha kita ug leksyon nga ang kausaban sa atong kinabuhi wala nagpasabot nga mohunong na kita paglihok, tungod kay makakita kita ug laing pamaagi sa pagpangalagad sa Diyos. Para niadtong makahimo pa paglihok apan nag inusara, ang pagtoon sa kaugalingon, pagpaminaw sa mga diskurso ug pakighimamat sa mga kaigsoonan pinaagi sa mga surat ug kalihukan sa pagsangyaw maoy uban nga pamaagi gawas sa pagsangyaw sa uban mahitungod sa plano sa Diyos. Para niadtong may edad na o di na kaha makahimo niining mga kalihukan, pwede silang maminaw na lamang sa mga diskurso, mudawat ug mga bisita o di kaha mamahimong panag ingnan sa ilang hugot nga pagtoo ug paglahutay taliwala sa mga kalisud ug pagsulay. Ang ilang dakong pagserbisyo mao ang paghinumdum sa mga kaigsoonan pinaagi sa pag ampo—pinaagi niini, mamahimong kauban kanila nga maabtik pang nagapangalagad diha sa Diyos.—Hebreohanon 10:33

Samatang anaa pa kanato ang galamhan ug kaarang, mamahimo kitang mag ampo sa usag usa, Ug sumala niadtong adunay mga interes sa pag ampo nadawat nila ang grasya ug kusog gikan sa mga pangamuyo sa mga kaigsoonan sama sa mahinungdanong pagtoo. Apan hinoon, kita ang responsable sa paghimo sa angay natong himoon, Ang Ginoo maghatag kanato ug ganti sa atong pagka matinud-anon sa pagalagad kaniya taman sa atong mahimo.

Unta ang nahitala nga legasiya ni Pablo magasilbing inspirasyon sa atong pagka matinud-anon hangtod sa katapusang yugto sa atong kinabuhi. Ug dayun atong maangkon ang gisaad nga ganti ug kita makaingon, “Gibugno ko na ang maayong pakigbugnoay, natapus ko na ang akong pagdalagan sa lumba, gikabantayan ko ang pagtoo. Sukad karon adunay ginatagana alang kanako nga purongpurong sa pagkamatarung nga niadto unyang adlaw iganti kanako sa Ginoo, ang matarung nga maghuhukom, ug dili lamang kanako ra kondili usab sa tanang mga nagahigugma sa iyang pagpadayag.”—II Timoteo 4:7,8